



ISMAIL menunjukkan penempatan haram yang dibina warga asing etnik Rohingya di pesisir sungai di Kuala Perlis.

Lebih 1,000 warga asing bina rumah untuk penempatan baharu

# Rohingya ‘takluk’ Kuala Perlis

Oleh NUR NAZLINA NADZARI

**KANGAR** – Bermula dengan membina pelantar ikan, kemudian sedikit demi sedikit membina dinding rumah dan seterusnya menjadi penempatan di pesisir sungai di beberapa kampung di Kuala Perlis, dekat sini.

Itulah taktik yang digunakan oleh nelayan asing entik Rohingya yang berpindah dari Bukit Malut, Langkawi dan mula menjadikan Kuala Perlis sebagai penempatan baharu mereka sejak dua tahun lalu.

Difahamkan, terdapat lebih 1,000 warga Rohingya dan ramai lagi warga asing lain yang menjadikan Kuala Perlis sebagai penempatan, sekali gus mengundang kegusaran dalam kalangan



Saya berharap pihak berkuasa dapat memantau perkara ini supaya kawasan Kuala Perlis tidak menjadi seperti Bukit Malut.”

**ISMAL AKOB**

penduduk setempat mengenai risiko jenayah dan masalah sosial lain.

Biasanya, ketua keluarga akan datang terlebih dahulu, apabila sudah semakin selesa di sini, mereka akan membawa ahli keluarga yang lain dengan bilangan sehingga 20 orang dalam satu rumah melibatkan tiga hingga em-

pat keluarga.

Lambakan warga asing ini telah menimbulkan keresahan kepada kira-kira 2,000 penduduk tempatan yang menetap di sekitar perkampungan nelayan di Hujung Tanjung, Kampung Tengah dan Seberang Alor Jaya.

Seorang penduduk, Ismail Akob, 58, berkata, kewujudan penempatan warga asing Rohingya itu sudah lama bertapak di situ tetapi semakin bertambah sejak dua tahun kebelakangan ini yang menyebabkan penduduk tidak selesa.

Katanya, mereka yang membina rumah di pesisir sungai atau membeli rumah penduduk asal di situ kebanyakannya bekerja sebagai nelayan dan ada juga menjadi buruh.

“Saya berharap pihak berkuasa dapat memantau perkara ini supaya kawasan Kuala Perlis tidak menjadi seperti Bukit Malut.

“Malah, saya sebagai rakyat negara ini juga pernah dimarahi mereka semasa menangkap ikan kawasan berhampiran Langkawi,” katanya ketika ditemui di sini semalam.

Sementara itu, seorang lagi penduduk, Mohamad Nyan, 59, berkata, warga asing tersebut dipercayai datang melalui jalan laut sebelum bertapak di kawasan ini seterusnya membawa ahli keluarga.

“Kami bimbang jika ramai warga asing, kes-kes jenayah seperti kecurian akan lebih meningkat di kawasan ini jika tidak dipantau,” ujarnya.